

RESOLUCIÓN REITORAL, DE 6 DE MAIO DO 2020, POLA QUE SE DEIXA SEN EFECTO A RESOLUCIÓN DO 2 DE MARZO DE 2020 POLA QUE SE ESTABLECE O PROCEDIMENTO PARA A REALIZACIÓN DE PROBAS DE APTITUDE PARA O ACCESO AO GRAO EN CIENCIAS DA ACTIVIDADE FÍSICA E DO DEPORTE DA UNIVERSIDADE DE VIGO, POR CAUSA DO ESTADO DE ALARMA CAUSADO POLA COVID-19

Á vista da situación excepcional creada polo estado de alarma declarado polo R.D. 463/2020, de 14 de marzo, e a súa incidencia na actividade presencial en dependencias da universidade,

Esta Reitoría

R E S O L V E

Primeiro: que se deixa sen efecto a Resolución Reitoral do 2 de marzo de 2020 pola que se establece o procedemento para a realización de probas de aptitude para o acceso ao grao en Ciencias da Actividade Física e do Deporte da Universidade de Vigo.

Segundo: que, debido ao carácter de causa de forza maior do estado de alarma ocasionado pola COVID-19, o Servizo de Axudas ao Estudo, Bolsas e Prezos Público procederá de oficio á devolución dos importes que foran aboadas en concepto de dereitos de exame en base ao establecido na cláusula terceira da resolución de 2 de marzo de 2020 á que fai referencia a presente.

Terceiro: que, aos efectos de acceso e admisión para o curso 2020/21 no grao de Ciencias da Actividade Física e do Deporte, seguirase o procedemento xeral establecido no Acordo das Universidades Públicas do Sistema Universitario de Galicia sobre os procedementos de admisión aos estudos universitarios oficiais de grao do Sistema Universitario de Galicia, aprobado polo Consello de Goberno na súa sesión do 24 de marzo de 2020.

Cuarto: que se manteñen os dereitos adquiridos polas persoas cualificadas como aptas nas probas de aptitude na convocatoria do ano 2019, segundo o establecido en dita convocatoria, sen prexuízo de cumprir o que dispón a CIUG para o acceso á universidade e de realizar a preinscripción a través dos procedementos telemáticos establecidos.

Quinto: que se comunique a presente Resolución á Secretaría Xeral de Universidades a a Axencia de Calidade do Sistema Universitario de Galicia (ACSUG), indicando o carácter excepcional das medidas adoptadas, polo que non debe considerarse como unha modificación da memoria verificada do grao en Ciencias da Actividade Física e do Deporte da Universidade de Vigo.

Contra a presente resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses, de conformidade co disposto na Lei 29/1998, do 13 de xullo, reguladora da xurisdición contencioso-administrativa, pero que se computará desde o día hábil seguinte á data de finalización da declaración do estado de alarma, con independencia do tempo que houbera transcurrido desde a publicación da presente resolución, sen prexuízo da eficacia e executividade da mesma, consonte ao disposto no acto administrativo objeto de recurso ou impugnación, de conformidade co disposto na Disposición Adicional Oitava do Real Decreto-ley 11/2020, de 31 de marzo, por el que se adoptan medidas urgentes complementarias en el ámbito social y económico para hacer frente al COVID-19.

As persoas interesadas poderán optar por interpoñer contra esta resolución un recurso de reposición, no prazo dun mes, que se computará segundo o indicado no parágrafo anterior, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

En Vigo, a 6 de maio de 2020

O Reitor